

ኦይትምስባብ ጳውሎስታ ቃስትምስ ክቴና ተሰሎንቄ ኤድንከሰካንታ ኦርድንታ

ክርስቶስታ ቃስትምስ ዐድንተንካ እምሳን ኦይሰና አዉልም እምሰሳንካ ተሰሎንቄ ምክሰ ኤሄናር ዶቅድን ማጠና እንድንካ በደር አይሴ፡ ጳውሎስ ተሰሎንቄ ኤድንከሰካንታ ክት ጸፍሳን ቃስትምስ ክተና “ጮይስታ ዐድንታ ሰጩና የልቴ” ጋይድን እሜንነዝን ዳቅሰሶ ኬዘዴ፡ ጳውሎስረ ክርስቶስታ ዐድንተንታ እሪ “ዳቀልስ ኤች” ጋይምስባብ ክርስቶስም ግርድባብታ ጎርሰንካ ፍጫሙደንዘን ባችኬ ዳቀልሰካ በደር አይዴ ጋይንተካ ኬታ ዋብ እሜንነ ሉልሰካንታ ጉርዴ።

ኦይትምስባብ ጳውሎስ ክተንም ናብብድባብከዘን ማጠኬ ዘረካ በጅንከረ ዋራ ኬታ ይንታ እሜንካ ኬት ዳቅድንግንዳ ክትኬ ክትካ የካ ፍግዘድባብ አብንከሰ ክት ይድንደትም ኬታ ይንታ ገችዐቅንካንታ ከትም ዝግዘድንደትም ዐፍካንታ ዛብሶ ከት ፍግዘድንግንዳ፡ ኮትኮግንደረ ኡርማ ፍክሰን ፍክሰዘንካ ቡሪ ከት ማተራክንግንዳ ዳቅሰሶ ከትም ዘርዴ።

ማጻፍን ኮትኮታ ሙዳ የድንተና

ኦርድንታ (1:1-2)

ጋለትኬ ዋደንካ (1:3-12)

ክርስቶስታ ቃስትምስ ዐድንተንካ እምምሳን ኤሰሰና (2:1-17)

ክርስቶሳር ማትሶ ዶቀርድንደታ እምምሳን ዘራ (3:1-15)
በእንታ (3:16-18)

¹ ሳብ ዋንታ ባቤንተኬ ዋንታ ጮይሰን የሱሰ ክርስቶስታ ማቻን ተሰሎንቄ ካተማ ምክሰ ኤሄናር እሜንድባብከሰካንታ ጳውሎስዘንካ፡ ሰላሰዘንኬ ጠማቶሳዘንካ ኦይትምሳንዳ፡

² ሳብ ባቤንዘንኬ ጮይሰ የሱሰ ክርስቶስታ ዉች እምንተንኬ ሳራትፔና የካንታ ማታ።

ክርስቶስ ቃስትምስ ዐድንካ እምምድን ፍርዳ

3 እስታ እስመንከሰኬ ምቹነንከሶ! የጎካ ሳብም ሙዳባይካ ጋለትነረ ዋም ዝግዝድንዳ፥ ዋ ጋለድንደረ የንታ አሜንና ጉጅሶ ጋጸርንደትኬ የ ዋልቃ ዋልቀንታ ክክ ክክ የንታ ሶልመና ጉጅመር ባረድድንካንቴ።

4 ኮካንተረ ባረሰነረ ዋራ በድ ማጠኬ ዘራ የንዘን የልሰረ የታ ባሰግንዳ ዳንዳእድባብኬ የንታ አሜንካ ዳቅሰባብከሰ የንታ ማትንተን ኬዝካ ዋታ ኣብ ባክ ባክ ምክሰ ኤሄንከሰታ ዋክያር ማትሶቶ የንካ ጋይርድቴ።

5 ክትጎካ ጉጅሶ ማጠንም የ ተይድን ሳብታ ባንቕምናር ዝግዝድባብ ማትሶቶ የ ፋይድምተርንግንዳ ኮና ሳብታ ሉላ ፍርደንታ ቃዉቴ።

6 ሳብ ሉላ ፋረድብብ ማትንተንካ ማጠንም የንዘን ተይባድባብከዝን ማጠንም ኬታዘን ተይባተሬ።

7 ታ ማጠን የ ተይድባብካንታ ዋንካ ክክን ባዉስንም የካንታ እምዴ። ኮነረ ማድንዳ ጮይሰ የሱሰ ሙደንዘንካ ሰገድን ክታይንቕንካ ክክን ጭላርንካ ክት ባንቐርድንደትባይኬ፥

8 ጭላርንካ ክት መያ ማድንደረ ሎግንጅድን ኖሄኬ፥ ኮትባይካ ሳብም ኤዘዳክባብከሰምኬ ዋንታ ጮይሰን የሱሰታ ክላ ኬዘንካንታ ክትምዳክባብከሰም ዋጭዴ።

9 ኬታ ጮይሰታ እሪንኬ ሙደንዘንካ ሰግዳን ቦንቐንዘንካ ፋሰምሶ ሰለንክንደታ ካይንታ ዋጭናሪ አርተረኬ።

10 ከት ዋጭናሪ አርድንደረ ሳብካንታ ፋሰምሰባብከዘን ቦንቐምካንተኬ አሜንድባብከሰ ሙደንደር በርእምካንታ ክት ባድንደትባይኬ። የተረ ዋንታ ማርካትቐን ተይሰቶ የ አሜንሳንካንታ ከትካ ክክን ፋይድምድቴ።

11 ኮትኮም ገቅርካ የካንታ ዛቃኮትዶቆ ዋ ምግዝድንዳ ዋንታ ጮይሰን ክታ ኤልንተንታ ማድባብ የም ማዝድንግንደኬ ኤርመን ይይካንታ የንታ ደቅድን ክትምንኬ የንታ አሜንንታ ፍክሰን ሙዳ ይንታ ዋልቀንካ የካንታ ቦድንግንዴ።

12 ኮትኮግንደረ ዋንታ ጮይሰን የሱሰታ ላምና የንካ ቦንቐምድንግንደኬ የተረ ዋንታ ሳብንከ ዋንታ ጮይሰን የሱሰ ክርሰቶሰታ ዉቕ እምንተንግንዳ ክትካ የ ቦንቐምተርንግንዳ ምግዝድቴ።

2

ዳቀልስ ኤች

¹ እስታ እስመንከሰኬ ምችነከሶ! ዋንታ ጮይሰን የሱስ ክርስቶስታ ዐድንተንኬ ዋተረ ክትካ ክክን ማትካንታ ዋንታ ሳንምንሳካ ዋ የም ምግዝድንዳ ኮሚ፡

² ቤር ኬዘካ እነረ ቃለንካ ኬዘምሳንግንዳ እነረ ዋንዘንካ ክቴና ጸፍምሳንደትግንዳ ማሰሰቶ “ጮይሰታ ሰጨና የልቴ” ጋይንተካ ሳነካ የንታ ማክቼና ዐይ ጭጫ፡ ዐይገቃ፡

³ ዐየነረ ኤድ ዐራርከረ የም ዐይገሳ፡ እሪምሶ ካድና ዐይዳክናና፡ ድግዳክን ሮሄናር እርድባብ ባች ኤች ማችባብነረ መያ ክት ማታክናና፡ ናኮና ሰጨና ዐይዳዬ።

⁴ ኮና ዳቀልስ ኤችና ጮይሰ ጋይምሶ ጎይንምድባብከዘንካ ሙዳ ይንታ ማተንም ጨክሳ ይዴ፡ “እታ ሳብቴ” ጋየር ሳብታ ጭል ኤሄናር ዋራ ደቅካንታ ጉርተሬ።

⁵ የንካ ክክን እ ዐቃንደትካ ኮም ሪን እ የካንታ ኬዛንደትም ገቀርዳከቴ?

⁶ ክትካንታ ጋይምሳን ሰጨንካ መያ ክት ማተርን የለልታ ታ ክት መያ ማታይንግንዳ ክትም ማርድንዳ ዐራ ማቼረ የታ ኤዘደቴ።

⁷ እቼካ ባችንታ ዋልቀና ታ ፍክሰዘኔ፡ ማችነከረ ታ ክትም ማርድንዳ ደቅዴ፡ ኮነረ ማድንዳ ናኮና ክትም ማርድንደና ዐልእተርን የለልቴ።

⁸ ኮታ ቡሪ ጮይሰ የሱስ ይንታ አፈናርንካ ዉድን ኡፍሰንካ ክትም ካይዘድባብኬ ይንታ መነንካ ዐድሶ ክት ካይዘድባብና ዳቀልስ ኤችና መያ ማዴ።

⁹ ዳቀልስታ ኤችና ዐድንዳ ሰጣንታ ዋልቀካ ኮተርዘድን አቴንም፡ ቃዉተንከሰምኬ በርእዘድን ሪንከሰመረ ይይንተኬ፡

¹⁰ ኮትኮግንደረ ካይድባብ ኤድንከሰም ክትም ገሰዘድንዳ ዐምንመረ ዳቅል ሪንከሰም ይይንተኬ። ኬታኬና ኤድንከሰ ካይድንደረ ክትም አቅዘድን ዶፈንን ሶልምሶ ክት ተያክንካንቴ።

¹¹ ኮካካ ካርከካ ክት አሜንድንግንዳ ሳብ ኮተርዘድን ዋልቃ ከታዘን አይዴ።

¹² ኮነረ ማድንዳ ዶፈንን አሜናዮት ጋይሰኮ ጎመንካ ጉርምድባብከሰ ሙደና ከታዘን ፋረድምድንግንዴ።

እቅዳንታ እድምሱን ኤድንከሰ

13 ጮይሰካ ሶልሞሞሰባብ እስመንከሰኬ ሞቕነንከሶ! ዋታ ማቼ የኀካ ሳብሞ ሙዳዐይካ ጋለት ዋሞ ዝግዝዴ፥ ዋ ጋለድንደረ የታ ጭል አያንካ ሳብካንታ የንታ ፋስሞንኬ ዶፈንን የንታ አሜንካ የ እቅድንግንዳ ሳብ እሪናና የሞ እጃንደትካንቲ።

14 ዋታ የካንታ ዋ ኤስሞሳን ክላ ኬዘንኀካ ሳብ የሞ ኤልሰባብ ዋንታ ጮይሰን የሱሰ ክርስቶስታ ቦንቹንሞ የ ካስሞድንግንዴ።

15 ኮካንታ እስመንከሰኬ ሞቕነንከሶ፥ ዳቅሶ ዋእከቲ፥ ዋንታ ቃለንከረ ማታ ዋንታ ክቴንካ ዋ የካንታ ኤስሳን ኤስን ዛብሰሶ የድከቲ።

16 ዋንታ ጮይሰና የሱሰ ክርስቶስ ይንታ ማታርንካ ዋሞ ሶልሞሰባብ ይንታ ዉቕ እምንተንከረ ሰለንክንደተረ ዳቅንተን ኡርማ ጉርምነረ ዋሞ እምሰባብ ሳብ ዋንታ ባቤና።

17 ኡርማ ማቻንደትሞ ሙዳ የ ይድንግንደኬ የ ኬዘድንግንዳ የንታ ቡደን ዳቅሰር የሞ ዛብሳጋካ።

3

ምክሰ ሙድንካንታ ዝግዝድንዳ ማትና

1 በእንተንዘነረ እስመንከሰኬ ሞቕነንከሶ! የንደር ማቻንደትግንዳ ጮይሰታ ቃለና ሳነካ ሳግድንግንደኬ ቦንቶምድንግንዳ ዋካንታ ምክሰከቲ።

2 ኮትኮግንደረ ቃለን ኤስረሰባብ ሙዳ አሜንድባብከሰ ካየኬ፥ ኮካንታ ዋብንከዘንኬ ዳቅል ኤድንከዘንካ ዋ ፋጭድንግንዳ ዋካንታ ምክሰከቲ።

3 ጮይሰ ማቼ አሜንምሰባቤ፥ ኖ የሞ ዛብዝዴ፥ ሰጣንዘንከረ የሞ ካርዝዴ።

4 የሞ ዋ ክድንደትሞ ታየረ ቦደቲ፥ ኦክሰረ የ ቦድንደትሞ የኀካ ጮይሰካ አሜንምድቲ።

5 ጮይሰ የንታ ቡደን ሳብታ ሶልመንደርኬ ክርስቶስታ ዳንዳእንደር ጎርሳ።

ፍክሰካይሳ ከት ዶቅዳክንግንዳ ኤግዝምሰ

6 እስመንከሰኬ ሞቕነንከሶ! ፍክሰካይሳ ዶቅድባብዘንኬ ዋንዘንካ የካንታ ሰክሳን ዋግንግንዳ ዶቅዳክን አሜንድባብ ሙድንዘንካ የ ፋስሞድንግንዳ ጮይሰ የሱሰ ክርስቶስታ ላምንካ የሞ ክድቲ።

7 ዋንታ ካምሰንም የም ጎርሰም ዝግዝድንደትም የታ የንታ ማታርንካ ኤዘደቲ፥ ዋታ የንካ ክክን ዋ ዐቃንደትካ ፍክሰካይሳ ደቃኮቲ፥

8 ዐየንተረ ሶለንም ወችኩን እቻኮቲ፥ ሰግሰሰረ የንታርንካ ዐየንዘነረ ባላ ክታዘን ዋ ማዳክንግንዳ ጋይንተካ ዐየክ ሶይትካ ገፈሮቶ ዘረካ ፍግዝድ ዐቆቲ።

9 ኩነረ ዋ ይሳንዳ የታ ዋንታ ካምሰንም የ ጎርሰምተርንግንዳ ጋይሶቶ ዳት የንዘንካ እላ ዐፍካንታ ገችታ ኤራ ዋም ካይድንካ ካዬ።

10 የንካ ክክን ዋ ዐቃንደትካ “ፍክሰካንታ ዝግዳክባብ ዐይ እቻ” ጋይድንደትም የም ክቶትደቆ።

11 ኮመረ ዋ ጋይሳንዳ የንታ ዋክናር ዋልቃ ዋልቃ ቦዘንከሰ ደቅድንደትም ዋ ኤሰርሳንካንቲ፥ ከታኬና ኤድንከሰ ዝግዝዳክን ሪታዋር አርደረኮ አብንከሰም አወልሰዘንካ አብ ዐረነረ ፍክሳየኬ።

12 ከታኬና ኤድንከሰግንዳ ደቅድባብ ዐዉሰሶ ከት ፍግዝድንግንደኬ ከትም ገችዝድንደትም ዐፍተርንግንዳ ጮይሰ የሱሰ ክርሰቶሰታ ላምካ ከትም ክዶቲ፥ እነረ ከትም ዘርዶቲ።

13 የታ ማቼ እሰመንከሰኬ ሞችነንከሶ! ጋፍሶቲ ጋይሶቶ ኤርመን ፍክሰዘንካ ዐይቦዘረቲ።

14 ኮ ክተንካ የካንታ ዋ ሰክሳን ዘረን ኤሰርዳክባብ ኤድ ደቅሴ ኮግንዳ ኤድን ኤርሰት ሰድከቲ፥ ክት ኦሰንድንግንደረ ይከት ዳት ክትካ ክክን ዐይማተቲ።

15 ማችንከረ እሰመንግንዳ ማሰሶ ዘርከት ዳት የንታ ይምኤእንባብግንዳ ክትም ዐይሰደቲ።

በእንታ ሳራትቻ

16 ሳራትቹንታ ጮይሰና ይንታ ማታርንካ ሙዳዐይካ ሙዳ ሪንከረ ሳራትቹን የካንታ እማ፥ ጮይሰና የ ሙድንከረ ክክን ማታ።

17 ኮም ሳራትቹን ገታ እስታ እንካ ጸፍሰባብ እታ ጳውሎስቲ፥ እስታ ክተናሪ ሙዳ ዐፈርድንዳ ቃዉተና ኮኔ። እ ጸብድንደረ ኮግንዳኩኔ።

18 ዋንታ ጮይሰን የሱሰ ክርሰቶሰታ ወች እምንተና የ ሙድንከረ ክክን ማታ።

ክል ጪቃ

Gayil: ክል ጪቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab